


† Gion Giusep Jacomet-Cavegn, Sedrun construider da peggas scalegl

11.92 11.11.1924



Cun Gion Giusep Jacomet ha in respectau e stimau vischin bandunau questa tiara per entrar ella gloria celestia. Malgrad siu grondius success en famiglia e fatschenta, eis el restaus in carstgaun cartent e mudest. Sia mort anetga entras in accident cun auto denter Tusaun e La Punt ha caschunau tristezia en l'entira Val Tujetsch.

Gion Giusep ei naschius ils 15 d'avrel 1919 a Mompé Medel sco tierz affon d'ina numerusa famiglia purila cun nov affons. Leu ha el gudiu bials dis d'affonza en magras relaziuns. Sco tier ils biars affons da purs ha el luvrav e barhau ils onns d'affonza e giuventetgna a casa cun siu bab che valeva per in capavel e pissiunau pur. Muort munconza da lavur el menaschi puril dil bab, serenda Gion Giusep sco giuven mat egl jester. Treis onns lavura el sco fumegl tier in purun egl Aargau. Sco el sez ha raquintau pli bauí, passenta el leu onns da schliet tractament e pintga carezia. Forsa schava el era encrescher per sia biala e ruasseivla patria sil crest da Mompé Medel. El retorna: a casa e tscherca lavur ella vischinanza. Plirs onns s'occupescha el sco luvrer e manual tier la firma Prader a Tschamut. Leu fa el era las empremas sentupadas cun sia futura spusa e consorta. Igl onn 1944 sespusescha el cun la giuvna Antonia Cavegn, ustiera dall'ustria Pass dalla Crusch (Krüzipass). Quei sto esser stau nozzas legreivlas ed emperneivlas, pertgei quei di han duas soras dil Gion Giusep fatg enconuschienscha a Tujetsch e pli tard sespudasas cheu ventireivla mein. La lètg ventireivla vegin benedida cun dus buobs. Igl emprem miera d'ina mort prematura. L'auter, il fegl Hans, studegia oz medischina a Basilea.

Suenter las nozzas lavura Gion Giusep tier siu aug Gion Battesta Jacomet ad Acletta. Quel ei staus siu mussader ed instruider per sia futura veta da clamada. G. Giusep seprofundescha pli a pli els misteris da crap-scalegl. Siu egl erudit encorscha prest che las peggas da crap-scalegl savessen ver in avegnir. El surpen igl onn 1946 la fatschenta da siu aug. Cun anim ed energia semetta el alla lavur. La fatschenta crescha e prosperescha. Las bunas

pegnas-scalegl cun il migeivel cauld carmalan jasters e dumiastics. Gion Giusep serenda a sontga Brida per explotar crap-scalegl. La cava ei prigulsa. Mo Gion Giusep ha negina tema ed ei gagliards, meinsvart forsa temeraris. El scava e semudregia. A Buretsch/Segnas vegn la crappa resgiada e mulada. El fa plans e studegia novas fuormas da peggas-scalegl. La fatschenta flurescha. Damondas dalunsch e damaneivel. En tuti ils cantuns svizzers furnescha ed installescha el peggas-scalegl. El ei schizun giraus egl exterior cun sias plattas e peggas desideradas e renomadas. Gion Giusep ei cuntents e ventireivels. Il contact cun outras regiuns, cun outras isonzas e cun auters lungatgs legra e scolescha il construider da peggas-scalegl. Sia clamada daventa per el buca mo fatschenta, mobein ina vera marotta.

Ils 26 d'october serenda G. Giusep cun siu fegl Hans ella biala Val da Schons per installar novas peggas. Suenter conscienuisa lavur tuornan els il suenter-miezdi a casa. Cheu ha Dieus clamaui siu survient a casa. Ina botscha sin la via splendida da Tusaun a Cuera caschuna la mort da G. Giusep. Tut agid medicinal po buca spindrar la veta mundana da nies convischin. El miera en consequenzas da grevas blessuras ella vegliadetgna da mo 55 onns. Siu fegl Hans, grev blessaus, ei denton sin buna via da reconvalescenza.

La gronda participaziun alla sepultura ha demusu il grond respect che G. Giusep gudeva a Tujetsch e lunsch entuorn. Lein mo sperar che zatgi meini vinavon quella interessanta e fascinonta fatschenta. Ei fuss donn, sche negin continuass l'ovra dil car defunct G. Giusep. Tuttas commisiuns da baghegiar duessen obligar ils possessurs che restaureran casas veglias da mantener tuttas peggas da crap-scalegl.

Alla famiglia en malencurada exprimin nus nostra sincera condolentscha. Il Bab en tschiel consoloschi ella en las grevas uras. Nus vivents essan era pelegrins e nus lein urar e sperar ch'era nus seigien in di a casa enta parvis. Gion Giusep, nies preziaz vischin, rauassi ella pasch dil Segner. R.I.P.